



JABATAN PERKHIDMATAN VETERINAR

Department Of Veterinary Services

Kementerian Pertanian dan Keterjaminan Makanan
Wisma Tani, Blok Podium Lot 4G1 & 4G2
No. 28 Persiaran Perdana, Presint 4
62630 PUTRAJAYA
MALAYSIA

Tel : 603-8870 2000
Faks : 603-8888 6021
E-mel : pro@dvs.gov.my
Laman Web : www.dvs.gov.my

MAKLUM BALAS MEDIA

'DAGING IMPORT DARI 19 NEGARA TIADA PERAKUAN JPV'

'PANTAU DAGING IMPORT DARI NEGARA TIADA PERAKUAN JPV'

1. Merujuk kepada laporan berita yang disiarkan oleh Utusan Malaysia bertajuk **Daging import dari 19 negara tiada perakuan JPV** bertarikh 25 Mei 2023 dan **Pantau daging import dari negara tiada perakuan JPV** bertarikh 26 Mei 2023, Jabatan Perkhidmatan Veterinar (DVS) ingin memberi maklum balas berhubung perkara tersebut.
2. 'Daging import' adalah daging yang dibawa masuk dari negara-negara sumber yang telah diperakukan oleh Jabatan ini. Pengimportan daging perlu mematuhi protokol dan tatacara yang telah ditetapkan oleh Kerajaan Malaysia. DVS sentiasa memastikan daging yang diimport adalah bebas dari penyakit haiwan dan zoonotik. Prosidur pemeriksaan yang sistematik ini juga memastikan produk yang dihasilkan dari *abattoir* ini mematuhi standard keselamatan produk-produk yang ditetapkan oleh negara Malaysia dan diperakukan oleh pihak berkuasa veterinar negara pengimport.
3. Sebanyak 27 negara disenaraikan sebagai *Abattoir* dan Loji Pemprosesan Luar Negara Yang Telah Diiktiraf Oleh DVS, tetapi bukan semuanya diluluskan untuk pengimportan daging ruminan. Buat masa ini, hanya 9 negara yang masih diiktiraf bagi pengimportan daging ruminan iaitu Australia, Argentina, Brazil, India, Korea, Pakistan, Jepun, New Zealand dan United States of America. Manakala, Afrika Selatan yang dahulunya diluluskan untuk pengimportan daging ruminan ke Malaysia kini sedang dalam penggantungan dan 18 lagi negara yang telah diluluskan adalah untuk pengimportan sama ada babi/produk babi, tenusu/produk tenusu, *poultry*/produk *poultry*, produk telur, gelatin (mentah) dan bahan mentah makanan haiwan.

4. Buat masa ini, terdapat 78 rumah sembelih ruminan luar negara telah diperakukur daripada 9 negara yang diluluskan untuk eksport. Selain itu, terdapat juga rumah sembelih DVS dan rumah sembelih swasta yang berlesen di dalam negara. Justeru, DVS menjangkakan kekurangan bekalan daging tidak akan berlaku.
5. DVS juga ingin menjelaskan bahawa logo Halal JAKIM dan logo perakuan DVS yang dicop di atas daging hanyalah untuk daging yang disembelih di rumah-rumah sembelih berlesen dalam negara sahaja. Bagi daging import pula, logo Halal negara pengeksport yang telah diiktiraf oleh Malaysia akan dicetak pada pembungkusan daging atau produk yang diluluskan iaitu pada bungkusan dalaman dan di luar bungkusan.
6. Bagi rumah sembelih/loji pemprosesan yang telah memohon pengiktirafan untuk mengeksport ke Malaysia tetapi tidak berjaya, tempoh minimum selama enam (6) bulan diberi bermula daripada maklum balas pihak berkuasa veterinar negara terlibat untuk memperbaiki prestasi serta mencapai piawaian yang ditetapkan oleh Malaysia dan bolehlah mengemukakan permohonan semula untuk pertimbangan DVS.

**JABATAN PERKHIDMATAN VETERINAR
KEMENTERIAN PERTANIAN DAN KETERJAMINAN MAKANAN
2 JUN 2023**